

元和郡縣圖志

附闕卷逸
文攷證

七



元和郡縣圖志

附闕卷逸文攷證

(七)

李吉甫撰
孫星衍校
張駒賢攷證

元和郡縣圖志卷第二十一

山南道二

襄陽節度使

襄陽大都督府

襄州

鄧州

復州

郢州

唐州

隨州

均州

房州

襄州

開元戶三萬六千三百五十七
元和戶十萬七千二百七

鄉七十七
百六十二

今爲襄陽節度使理所

管州八

襄州

鄧州

復州

郢州

唐州

隨州

均州

房州

縣三十八

都管戶一十四萬二千

禹貢豫荆二州之域。於周諸國則穀鄧、鄧、盧、羅、都之地。春秋時地屬楚。秦兼天下。自漢以北爲南陽郡。今鄧州南陽縣是也。漢以南爲南郡。今荊州是也。後漢建安十三年。魏武平荊州。置襄陽郡。自赤壁之敗。魏失江陵。而荊州都督理無常處。吳將諸葛瑾、陸遜皆數入其境。自羊公鎮襄陽。吳不復入。永嘉之亂。三輔豪族流於樊、沔。僑於漢水之側。立南雍州。孝武帝以朱序爲南雍州刺史。苻堅遣將苻丕攻陷襄陽。序爲丕所擒。後堅敗。州復歸晉。安帝時。魯宗之爲刺史。仍於州理置甯蠻校尉。梁太清二年。岳陽王蕭詧爲雍州刺史。兄河東王譽爲元帝所殺。詧怒。以州北附。西魏剋江陵。以詧爲梁王。都江陵。爲西魏藩國。恭帝改

雍州爲襄州。因州南襄水爲名也。按襄陽去江陵陸道五百里。勢同輔車。無襄陽則江陵受敵。自東晉庾翼爲荊州刺史。將事北伐。遂鎮襄陽。北接宛洛。跨對樊沔。爲荊郢之北門。代爲重鎮。周置總管。隋置行臺。皇家初。亦置山南道行臺。武德七年。廢行臺。置都督府。貞觀六年。廢都督府。改爲州。永貞元年。昇爲大都督府。

州境。東西北至。三百六十七里。

八到。西北至上都。一千八百五十里。

南至江陵府。四百七十里。

西至房州。陸路四百二十里。水路五百八十四里。

東南至鄖州。三百二十里。

貢賦。開元貢。火麻布。庫路眞。

元和貢。麝香。綾紗。竹扇。橙子。柘木。琴材。漆器。

管縣七。襄陽。臨漢。南漳。義清。宜城。樂鄉。穀城。

襄陽縣。郭下。本漢舊縣也。屬南郡。在襄水之陽。故以爲名。魏武平荊州。分南郡置襄陽郡。縣屬焉。後遂不改。

峴山在縣東南九里。山東臨漢水。古今大路。羊祜鎮襄陽。與鄒潤甫共登此山。後人立碑。謂之墮淚碑。其銘文卽蜀人李安所製。

萬山一名漢皋山。在縣西十一里。與南陽郡鄧縣分界處。古諺曰。襄陽無西。言其界促近。

檀溪在縣西南。初梁高祖鎮荊州。聞齊主崩。令蕭遙光等五人輔政。謂之五貴。歎曰。政出多門。亂其階矣。陰懷平京師之意。潛造器械。多伐砍竹木。沈於檀溪。爲舟裝之備。參軍呂僧珍獨悟其旨。亦私具櫓數百張。及義師起。乃取檀溪竹木裝戰艦。諸將爭櫓。僧珍每船付二張。事克集。今溪已涸。非其舊矣。

州理中城在縣東邊。一處有土赤色。昔苻丕攻襄陽。朱序用道法以朱砂燻之。至今土色有異。西北角有夫人城。苻丕之攻也。朱序母深識兵勢。登城履行。知此處必偏受敵。令加修築。寇肆力來攻。果輒而退。因謂之夫人城。

劉琦臺。縣東三里。琦與諸葛亮登臺去梯言之所也。

諸葛亮宅在縣西北二十里。

習郁池在縣南十四里。

臨漢縣。緊南至本漢鄧縣地。卽古樊城。仲山甫之國也。西魏於此立安養縣。屬鄧城郡。周天和五年。改

屬襄州。天寶元年。改爲臨漢縣。縣城南臨漢水。魏將軍曹仁據樊。蜀將關羽圍樊。使于禁。龐德救之。會漢

水暴漲羽以舟師攻禁禁遂降羽德瞑目不屈羽殺之

故鄧城在縣東北二十二里春秋鄧國也桓七年鄧侯吾離來朝是也楚文王滅之

鄧塞故城在縣東南二十二里南臨宛水阻一小山號曰鄧塞昔孫文臺破黃祖於此山下魏常於此裝治舟艦以伐吳陸士衡表稱下江漢之卒浮鄧塞之舟謂此也

南漳縣中東北至本漢臨沮縣地按臨沮縣今在荊州當陽縣西北臨沮故城是也後魏於此置重陽縣隋改爲南漳縣

荆山在縣西北八十里三縣險絕惟東南一隅纔通人徑

祖山在縣東北一百八里吳時朱然諸葛瑾從沮中乘山險道北出沮中去襄陽城百五十里按此是地名非山蓋以地山相近因名或云司馬宣王鑿八疊山開路於此停阻也

襄水在縣北一百十里白石山

義清縣中東北至本漢中廬縣地也西魏於此置義清縣後因之

中廬故城在今縣北二十里本春秋廬戎之國秦時謂之伊廬項羽亡將鍾離昧家在伊廬也

長渠在縣東南二十六里派引蠻水昔秦使白起攻楚引西山谷水兩道爭灌鄢城一道使沔北入一道使沔南入遂拔之

宜城縣

上北至州九十五里

本漢郢音縣地也。城東臨漢江。古諺曰：「郢無東。」言其東逼漢江，其地短促也。宋孝武

大明元年，以胡人流寓者立華山郡理之。後魏改爲宜城。周改宜城爲率道縣，屬武泉郡。隋開皇三年罷郡，屬襄陽。皇朝因之。天寶元年改爲宜城縣。

漢水在縣東九里。

故宜城在縣南九里。本楚鄢縣。秦昭王使白起伐楚，引蠻水灌鄢城，拔之，遂取鄢。卽此城也。鄧漢惠帝三年改名宜城。

樂鄉縣

中下東北至州二百二十里

本春秋都國之城。在縣北三十七里。都國故城是也。在漢爲若縣地。晉安帝於此

置樂鄉縣，屬武甯郡。大業三年改屬竟陵郡。皇朝改屬襄州。

漢水東去縣四十二里。

穀城縣

上東南至州一百四十五里

本春秋時穀國。左傳：穀伯綏來朝。今縣北十五里。故穀城是也。漢爲筑陽縣。蕭何

子封筑陽侯。卽此也。開皇七年改爲穀城縣，屬襄州。

筑水在縣南百二十步。

鄧州

南陽上

開元戶三萬八千六百一十一

鄉五十八

禹貢豫州之域。周爲申國。戰國時屬韓。蘇秦說韓惠王曰：「韓西有宜陽，東有穰，洧是也。」昭襄王取韓地置

南陽郡以在中國之南而有陽地故曰南陽三十六郡南陽居其一焉漢因之領縣三十六理宛城後漢於郡理置荊州建安中張繡屯兵於穰降魏魏於穰置萬州晉宣王夏侯伯仁皆爲都督或理宛或理新野永嘉五年爲劉聰所沒成帝咸康四年復歸於晉苻堅之亂又沒前秦姚興時又復還晉後魏孝文南侵又陷之梁普通中暨剋還入魏太和中置萬州理穰縣今鄧州所理是也隋開皇七年梁王歸入隋自穰縣移萬州還江陵於穰縣置鄧州大業三年改爲南陽郡武德二年復爲鄧州

州境東四百九十里南北三百八十一里

八到西北至上都九百五十里東北至東都六百四十五里

東北至汝州四百七十五里東至唐州三百二十里

南至襄州一百八十里西南至均州三百四十里

貢賦開元貢紇紵絲布一十疋

管縣七 穰縣 南陽 新野 向城 臨湍 菊潭 內鄉

穰縣望下漢舊縣本楚之別邑取豐穰之義後屬韓秦武王攻取之封魏冉爲穰侯漢以爲縣屬南陽郡

後魏旣克南陽於此城置荊州開皇三年屬鄧州皇朝因之

湍水北至縣七里

六門堰在縣西三里。漢元帝建昭中召信臣爲南陽太守。復於穰縣南六十里造鉗盧陂。累石爲隄。傍開六石門。以節水勢。澤中有鉗盧玉池。因以爲名。用廣溉灌。歲歲增多。至三萬頃。人得其利。後漢杜詩爲太守。復修其陂。百姓歌之曰。前有召父。後有杜母。

南陽縣

緊西至州一百二十里

本周之申國也。平王母申后之家。漢置宛縣。屬南陽郡。更始卽帝位。世祖納陰后。並於宛城。魏代荊州都督所理。至隋改爲南陽縣。屬鄧州。

精山在縣西北二十七里。黃巾賊據宛城。漢西鄉侯朱雋擊破之。餘衆走保精山。謂此也。

清水東去縣三里。南都賦曰。清水蕩其胸。是也。

新野縣

中西北至州七十里

本漢舊縣。屬南陽郡。魏代新野縣爲荊州都督所理。王昶爲都督。卽鎮此城。晉惠帝立新野郡。隋開皇三年罷郡。縣屬鄧州。

清水西去縣二百步。

後漢西華侯鄧晨宅在縣北二十四里。晨新野人。世祖姊夫也。初起兵新野。王莽焚其冢墓。洿其宅。宗族怒曰。幸自富足。何故隨婦家入湯鑊中。晨終無恨。

陰皇后宅在縣東北。擣衣石存焉。

向城縣

上西南至州百九十里

本漢西鄂縣地。春秋時向邑。江夏有鄂。故此加西。後魏孝文帝於古向城置向城縣。

屬滄陽郡。貞觀九年，改屬鄧州。

豐山在縣南三十二里，有九鐘，霜降則鳴。

西鄂故城在縣南二十里，張衡卽此縣人，故宅餘址猶存。

魯陽關在縣北八十里，今鄧、汝二州於此分境。荆、豫徑途，斯爲險要。張景陽詩云：「朝登魯陽關，狹路峭且深。」

博望故城在縣東南四十五里，張騫封邑。

臨湍縣，上東南至州八十五里。本漢冠軍縣地。後魏孝文帝割縣北境置新城縣，屬南陽郡。廢帝以近湍水，改爲臨

湍。隋文復改爲新城。天寶元年，又改爲臨湍焉。

翼望山在縣西北二百里，湍水出焉。

冠軍故城在縣南四十里。漢武帝以霍去病討匈奴功，冠諸軍，故封此縣以褒異之。

後漢膠東侯賈復宅在縣南三十五里。

楚堰在縣南八里，攔斷湍水，高下相承八重，溉田五百餘頃。

菊潭縣，上東南至州百五十里。本漢酈縣。武陶戍之地。後魏廢帝因武陶戍置郡。隋開皇三年，罷郡，以爲菊潭縣。因

縣界內菊水爲名，屬鄧州。

菊水出縣東石澗山其旁多菊水極甘馨谷中三十餘家不復穿井仰飲此水皆壽百餘歲王暢袁隗爲太守命鄆縣月送水三十斛飲食沐浴悉皆用之

內鄉縣上東南至州二百四十里本楚之析邑後屬於秦史記秦昭王發兵出武關攻楚取析邑十五城是也漢以

爲縣屬宏農郡後漢屬南陽郡後魏於此置析陽郡廢帝改爲中鄉縣隋開皇三年以避廟諱改爲內鄉屬鄧州

析水北自盧氏縣界流入與丹水合古今謂之析口縣城卽楚析縣也史記楚項襄王元年秦出武關斬楚衆五萬取析十五城漢高祖入關下祈鄆是也

復州竟陵下開元月五千二百三十二鄉一十五元和中月七千六百九十

禹貢荊州之域春秋戰國時並屬楚史記白起拔郢東至竟陵卽此是也秦屬南郡在漢卽江夏郡之竟陵縣地也晉惠帝分江夏立竟陵郡周武帝改置復州取州界復池湖爲名也貞觀七年州理在沔陽縣

寶應二年移理竟陵縣

州境東四百三十里南北四百九十里

八到西北至上都一千六百八十里西北至東都一千四百二十五里

東北至安州三百四十里東至沔州陸路三百四十里水路七百里

西北至郢州陸路二百五十里，水路三百里。
南至沔陽縣一百三十里，自縣南至岳州水路五百里。
貢賦：開元貢白紵布一十疋，麻。

管縣三 竟陵 沔陽 監利

竟陵縣，郭中下，漢舊縣也，屬江夏郡。舊縣在今郢州長壽縣界。竟陵大城是也。周屬復州。大業三年，改復州爲沔州。縣屬不改。武德初，又屬復州。

五華山在縣東北七十里。縣城本古風城也。古之風國，卽伏羲風姓也。南臨沔水。

沔陽縣，中下，北至州一百三十里。本漢雲杜縣地。梁天監二年，分置沔陽縣。卽今縣東三十里沔陽故城是也。今沔

陽縣卽後魏所置建興縣。大業三年，改建興縣爲沔陽郡。武德五年，改郡爲縣，屬復州。

沔水在縣南八十步，東入沔川縣界。

馬骨湖在縣東南百六十里。夏秋汛漲，淼漫若海。春冬水涸，卽爲平田。周迴一十五里。

監利縣，中下，東北至州二百六十里。本漢華容縣地也。晉武帝太康五年，分立監利縣，屬南郡。開皇三年，改屬復州。

大江在縣南一百三十里。

郢州，富水下。開元戶五千六百九十九，鄉二十九。
元和戶一萬一千九百三十九。

本江夏郡雲杜縣之地。周地圖記曰：蠻人曾渠田金生，代居此地，常爲邊患。梁普通末，遣郢州刺史元樹

討平之。因置新州。後魏廢帝二年。改爲溫州。因溫水爲名也。隋末廢溫州。縣並入安陸郡。武德四年。於京

山縣重置溫州。貞觀十七年。廢溫州。於長壽改置郢州。

州境東西南北八到西北至上都一千三百八十五里。東北至東都一千一百二十五里。

東南至復州三百里。正南微西至江陵府三百里。

西北至襄州三百一十里。東北至隨州三百九十里。

貢賦開元賦。布白紵布二十疋。麻布二十疋。

管縣三。長壽。京山。富水。

長壽縣上郭下。本漢竟陵縣地。宋分置長壽縣。理石城。卽今縣理是也。屬竟陵郡。魏文帝大統十四年。於縣

改置郢州。縣屬焉。後遂因之。

漢水去縣十步。

縣城本古之石城。背山臨漢水。吳於此置牙門戍城。羊祜鎮荊州。亦置戍焉。卽今州理是也。

京山縣下西至州一百六十里。本漢雲杜縣地也。隋屬溫州。大業二年。改爲京山縣。皇朝溫州所理在此。貞觀十七

年罷溫州。縣屬郢州。

大洪山在縣西北二百里孤秀爲衆山之傑山多鍾乳

溫湯水在縣南十五里擁以溉稻田其收數倍經其家多凶

富水縣中三百四十里西南至州本漢安陸縣地後漢分其地置新市縣屬江夏郡後漢有新市平林兵謂此後魏

改新市爲富水縣取縣界富水爲名

富水南去縣一百步

唐州淮安開元戶二萬一千五百九十七鄉四十五

禹貢豫州之域春秋時爲楚地秦爲南陽郡地自漢迄宋皆同後魏太和中於此置東荊州理比陽故地

其後改爲淮州開皇五年又改爲顯州貞觀九年改爲唐州

州滄南北三百八里

入到西北至上都取葉縣路一千三百四十里取鄧州路一千二百二十五里

東南至隨州三百六十里

西北至襄州三百五十里

東至蔡州二百四十里

北至汝州葉縣一百八十里自葉縣取龍興路至汝州一百八十里

貢賦開元貢絹十疋布

管縣七 比陽 慈邱 桐柏 平氏 湖陽 方城 泌陽

比陽縣上郭下 本漢舊縣屬南陽郡比水所出故曰比陽後魏屬江夏郡隋屬淮安郡貞觀改屬唐州

顯望崗在縣西北六十里

比水南去縣二里後漢世祖破甄阜梁邱賜於比水西斬之卽此水也

舞陰故城在縣西北六十五里漢縣屬南陽郡曹公與張繡戰引還舞陰卽此城也

慈邱縣上州七十 西南至本漢比陽縣之地後魏孝文於此置江夏縣并置江夏郡領之開皇三年廢郡縣屬

淮州十八年改爲慈邱取慈邱山爲名

慈邱山在縣西五十里

比水出縣東南太湖山

桐柏縣中一百二十里 西北至州漢平氏縣之東界也梁於此置義鄉縣開皇十八年改爲桐柏因桐柏山爲名也

桐柏山在縣西南九十里禹貢曰導淮自桐柏出紫草

天木山俗名天目山在縣東北五十五里祖逖爲豫州刺史藏家口於天木山卽此山也山上有池時人

號爲天目

淮水出縣南桐柏山一名大復山

淮濱廟在縣西六十里桐柏山東北

平氏縣

中東北至

本漢舊縣屬南陽郡晉屬義陽郡其後爲北人侵掠縣皆邱墟後魏於平氏故城重

置屬淮州隋改屬淮安郡貞觀改屬唐州

醴水出縣東南桐柏山西流經縣北三里與淮同導西流爲醴東流爲淮

湖陽縣

中東北至

古蓼國也左傳曰鄖人將與隨絞州蓼伐楚注曰今義陽東湖陽縣是也地理志曰

蓼國咎繇後爲楚所滅後魏孝莊帝於此立湖州貞觀元年廢以湖陽屬唐州

方城縣

上東南至

本漢堵陽地也屬南陽郡在堵水之陽故名後漢朱祐爲堵陽侯梁於此置堵陽

郡隋改置方城縣取方城山爲名也屬洧陽郡貞觀改屬唐州

方城山在縣東北五十里卽沮溺耦耕處左傳屈完對齊桓公楚國方城以爲城是也

堵水西去縣三十五里

泌陽縣

中東北至

本漢棘陽縣地後魏於此置襄城郡領襄城上馬二縣貞觀元年廢入湖陽縣開元十

三年刺史白知節奏復置天寶元年改爲泌陽

隨州

漢東

開元戶一萬三千二百一十六

元和戶一萬二千七百一十六

鄉二十七

本春秋時隨國與周同姓左傳曰漢東之國隨爲大注曰今義陽隨縣也其後爲楚所滅爲南陽郡地漢立爲隨縣屬南陽郡晉太康九年分義陽置隨郡自宋已還多以封建子弟爲王後魏文帝大統十六年改隨州後遂因之

州境東北三百七十八里

八到西北至東都一千四百三十五里

西至襄陽州三百九十里

東南至唐州三百六十里

東北至申州二百四十里

賁賦開元賁綾葛覆盆子

元和賁綾十疋葛五疋

管縣四 隨縣 光化 棗陽 唐城

隨縣上本漢舊縣屬南陽郡卽隨國城也歷代不改

厲山亦名烈山在縣北百里禮記曰厲山氏炎帝也起於厲山故曰厲山氏斷蛇邱在縣北二十五里卽隨侯救斷蛇處